


飯齋集


下



漢書門			
一〇七三八	八	八	類
七	函	號	
二	冊	架	

內閣文庫			
三	一	〇	漢
八	〇	七	
函	七	三	書
二	二	八	
二	冊	號	類
架			

內閣文庫			
番號	漢	10738	
冊數	2 (2)		
函號	318	181	



糊などで貼り付けられている部分がめくれない箇所あり

復齋先生集下

朝鮮經國典序

六典之作尚矣右稽周禮一曰治典以經邦國以治

官府以紀萬民二曰教典以安邦國以教官府以援

萬民三曰禮典以和邦國以統百官以諧萬民四曰

政典以平邦國以正百官以均萬民五曰刑典以詰

邦國以刑百官以糾萬民六曰事典以富邦國以任

百官以生萬民治則吏也教則戶也政則兵也事則

工也自古以來天下國家之治亂興亡昭然可考其

所以治且興者以明夫六典也其所以亂且亡者以

昧於六典也高麗之季政教陵夷紀綱頽敗所謂六



漢章文庫



典者名存實亡有志之士扼腕嘆息以矣亂極復
治理之必然惟我 殿下應天順人除殘去暴乃革
舊弊一新教化以時考績黜陟幽明而治典明矣輕
徭薄賦休養生民而教典明矣車服有章上下有別
則禮典可謂明矣克詰戎兵折衝禦侮則政典可謂
明矣議刑得情民無冤抑刑典不可謂不明也允釐
百工以熙庶績事典不可謂不明也於是判三司事
奉化伯臣鄭道傳作為一書名之曰經國典以獻
殿下宸心是悅付諸有司歲之金積爰命臣摠序其
編端臣摠竊伏惟念一代之興必有一代之制作苟
非明良相得有同魚水則何以臻此焉今我 殿下

推赤心委任宰相而三司公以天人之學經濟之才
昔襄丕基馳騁雄文克成大典非唯有補於 殿下
乙夜之覽且為子孫萬世之龜鑑也於戲其至矣乎
若視為文具則書自書人自人矣何益於治道哉子
思之作中庸也論九經曰其所以行之者一也一者
何謂誠也臣於是書亦以此言焉

高麗國史序

古者列國各有史官掌記時事昭示美惡以為後世
之勸戒若晉之乘楚之檮杌魯之春秋是也已高麗
氏自始祖以來歷代皆有實錄然其書出於兵火之
餘多所遺失至恭愍王朝侍中致仕李齊賢撰史略

止於肅王與安君李仁復韓山君李穡撰金鏡錄止
於靖王而皆失於踈略其他則未有成書也惟我
國王殿下即位之初命判三司事臣鄭道傳及臣摠
等撰高麗國史臣等承命祇懼私竊以為質本庸陋
才乏三長而書又不全雖欲講明而折衷之烏可易
哉然此理之在人心無古今之異苟因其幸存而未
盡亡者揆諸義理引而伸之觸類而長之則其是非
得失絜可見矣是以不量菲薄輒效編摩謹按自元
王以上事多僭擬今以其稱宗者書王稱節日者書
生日詔則書教朕則書予所以正名也朝會祭祀常
事也而有故則書親祭則書所以講禮也書宰相除

拜所以重其任也書設科取士所以重求賢也臺諫
伏閣其事雖闕必書所以著忠臣也上國之使往來
雖煩必書所以尊天王也灾異水旱雖小必書所以
謹天譴也遊畋宴樂雖數必書所以戒逸預也恭惟
國王殿下以睿智之資高明之學講廟典墳動法古
先哲王而是書也出於遺失踈略之中其君臣之賢
否政教之得失禮樂之沿革風俗之美惡雖未能備
載而悉書之然詩曰殷鑑不遠在夏后之世蓋以其
耳目之所遠也若機政之暇賜以覽觀則於善惡取
捨之端為政治民之道庶幾有補矣

經濟文鑑序

相業

經濟文鑑判三司事奉化伯鄭公之所著也公自幼
好學窮經懷才抱道慨然有經濟之志及我 殿下
受命作興公決疑定策尉為元勳以文武之略兼將
相之任凡於國家之政動引古法參酌時宜利興害
除民蒙其澤其經濟也大矣尚論古之人博採歷代
以來職任得失人物賢否筆之於書其引用先儒之
說間有附以已見者不復識別簡而不略詳而不煩
可法可戒將俾世之居官者皆知其任之不易而莫
不勉之循之思所以稱其職其有補於世也亦大矣
予觀是書其首之以相業者宰相之任論道經邦燮
理陰陽關係至重非他官比也古之能稱其職者幾

臺諫

衛兵

監司

守令

何人哉三代以上稱堯皋稷契伊傅周召三代以下
稱漢之蕭曹丙魏唐之房杜姚宋之韓富王范司
馬諸公而已吁相業不亦難乎是故人君當以擇相
為先而為相者亦當思稱其職可也次之以臺諫者
臺官糾禁風俗之惡諫官論奏人主之失實國家之
所重而居是職者豈可以唯々悠悠而察厥官也哉
且又府衛之兵在於練養無事則宿衛于內以備患
於非常有事則折衝于外以靖亂於危急不可以不
之重也監司之任在乎澄清懲豪猾而治冤抑恤民
隱而舉賢材不可以不之謹也州牧郡守縣令人主
之所與共治者也其人賢則民受其福否不賢則民

壹字必
壹字之

受其禍其不擇人而除授可乎此又所以相繼而居
其次也然則為府兵為監司為州牧守令者可不思
所以稱其職也哉為國之要不越乎是數者為能各
稱其職則雖天下不難為也况一國乎於此見公之
學有淵源而公之才為適用也客有語予者曰大抵
古人之著書者有志而不得見諸行事者之所為也
公遭遇 聖朝位為宰輔時不可謂不遇而道不可
謂不行也何著書為予曰公之心必欲堯舜君民而
後已其行道也一壺不盡則其中固有熈然者矣此
公之所以著書之意也歟

送行人維公使還序

古行人之官掌賓客之禮籍以親諸侯而行四方此
古聖人致太平之盛典也 皇明受命制作惟興允
典禮者稱因革損益裁自 宸衷合於古而宜於今
若行人司之屬是其一也居是選者非風彩之以重
國命言語之以揚國美者疇克當哉洪武十八年秋
天子加恩我高麗賜誥命贈 先國王謚恭愍封嗣
君爵國王求可以將命展禮以申哀榮之恩者親擇
多士得國子典簿周公及行人維公授冊與節臨軒
遣之遠有光華以臨照絕域吁盛矣哉維公既至布
宣誥命事已言還國人之有文者皆歌之編成一卷
授右簡於揔為序揔謹拜手稽首執簡而言曰 聖

復下

天子追念先國王歸附之誠聿舉典禮以殊稱
詔嗣君事上忠而奉先孝詔承前爵帝所以親諸
侯之意備矣維公容儀修整談論詳雅通於當世之
務其風彩言語能有以重國命而揚國美可謂體
天子置行人待四方之意也維公不可留也採取歌
詩陳于太史氏俾遠小邦得在聖人風化之內是則
在維公之行也衆皆曰然遂書右簡為送維公詩序
信城鄉校記

恭惟我主上殿下應天順人肇開邦國踐祚之始
頒布教條興學校居其一焉于時信州之守通德郎
宋君居申新作鄉校遣人俾予為記予惟學校不可

一日無也人而飽食暖衣逸居無教則近於禽獸故
古者聖人立教化民家塾黨庠莫不學孝悌忠臣教
化由是而興風俗以之而正及乎後世異端之說遍
于天下學校陵夷風俗頽敗良可惜也信為邑偏小
宋君到官政平訟理吏畏民懷上體吾君興學之意
慨然以作成人材為己任然學舍之亡久矣聚童蒙
於所居廳事朝夕官舍之比于晉斯原爰立鄉校不
勞民力莫集僧徒經始於壬申之秋訖功於癸酉之
春又命工繪先聖像垂之堂中生徒燕賀嚮學之誠
愈加於舊將見忠信之輩出於十室之邑矣予嘉宋
君政最興學又如此於是乎書

江華立寶記

江華為邑冢古介在海中。去京城僅六十里。實為藩
屏要衝之地。前朝高王時。避狄人之亂。遷都于此。凡
四十年。狄不敢入。民賴以生。又自至正庚寅以來。倭
寇肆虐。濱海郡縣靡不騷然。將及京城。乃於茲邑置
防禦所。謹烽燧。嚴機械。故京城無倭寇之患。藩屏扞
蔽之力。不其多乎。洪武二十二年之己巳冬。十有一
月。府使京畿左右道水軍都節制使知招討營田事
朴公子安上任之後。視人物之彫殘。官舍之頽圯。慨
然三歎。誓欲興復。遂白于朝。蠲免鹽戶貢後。民以安
業。乃遣軍船入島。伐木。且使民及官奴。燔鹽。買穀。以

資燔瓦。使書雲正。劉漢祐。相地營造衙及司倉。始於
辛未仲春。訖於其年十月。不費財。不勞民。而事克用。
成人皆稱之不寧。惟是憫防禦軍人糧餉之乏。則以
租四十五石。黃豆三十石。立寶資長。以助其乏。慮公
差人等往來絡繹。支應不足。至於家抽戶歛。以貽民
瘼。則以租四十石。黃豆三十石。立寶資長。以助供給。
又納租二十石。黃豆十石。于鄉校。以充生徒之糧。其
與除利害。憂國愛民之政。蓋多類此。豈非仁人君子
者乎。今我主上殿下。應天順人。創業垂統。中外官
僚。必須慎簡。以朴公善於其任命。為嘉靖大夫。同知
中樞院事。都評議。使司事。兼京畿左右道沿海等處水

軍都節制使知招討營田事兼江華府使於戲出為
將帥入贊廟謀如朴君者幾何人哉後之繼其任者
可不師朴君之政歟是宜書以示來者

教全羅道都觀察三司右使金士安書

王若曰予以否德獲承丕緒托臣民之上夙夜靡寧
勵精圖治然境地之廣生民之衆所有利病詎能周
知故即祚以來特遣大臣分行諸道廣咨博訪興除
利害庶格和平而弊有所未去澤有所未洽豈軍民
之官未能稱職而奉使之臣未明黜陟歟全羅一道
為國南藩地濱大海控引諸島魚鹽錢穀之所產舟
服商船之所聚其壤沃其民厚古稱樂土自偽辛竊

陰字恐或如
字也

位之後十六年間所用皆非其人吏尚播克民不聊
生加以倭奴標竊郡縣彫弊倍於他道予甚憫焉惟
卿世篤忠貞砥礪名節歷敷中外蔚有聲績是用授
卿鈇鉞以遣其體予至懷訪求民瘼賑恤飢乏審理
冤滯勸農桑興學校以厚民生繕甲兵訓將士以備
寇盜餘有便民事務從宜舉行守令之貪邪不法將
帥之逗遛敗績者兩府以上停職申請奉劾以下就
便處決其有吏績軍功尤異者具名以聞予將擢用
焉於戲乃先祖忠烈公方慶事我先祖功在國家
爾尚祗服我命益勵乃心以匹休于乃祖

教前門下評理李元純書

儲副所以端國本婚姻所以正人倫斯為風化之源亦係宗祊之重觀古今理亂之道在配匹賢否之殊其重若茲厥選宜謹粵有世子年既踰於加冠思得賢妃儀冊謹於納采載稽龜策無訪臣僚惟卿以禮義之家生窈窕之女既凝資其偃月宜作儷於少陽茲消吉辰定厥祥而作合尚服休命率以禮而來嬪立儲教書

立配所以正名建儲所以端本此古今之達禮而國家之恒規予以庸資續承玉緒仰稽舊制俯採僉言命盧氏以正位居中立子奭而承祧主鬯近有臣僚之請宜舉冊命之儀乃於洪武廿四年八月初九日

授順妃以冊寶越十五日授世子冊寶仍置官僚於戲國本既崇聿衍宗祊之慶人心攸係永無廢孽之窺凡甫百司體予至懷

教卒門下侍中貞烈公慶復與書

彰善譴惡所以勸將來崇德報功所以臻至治具官某以功臣之裔戚里之親秉心貞純操履廉潔事我先祖歷仕中外夷險一節於辛丑播遷之際癸卯危急之間奮不顧身樹立功績國人所共知及逆眚用事舉國趨附惟恐不及卿獨抗節乃為所構殆死南荒者數年眚既伏誅物論歸卿乃復入相迨我先祖奄棄之初父王嗣位年方幼冲國步多艱卿為

蒙幸獨亮私多而卿之正直為奸臣所忌又被竄逐
竟不得返嗚呼惜哉有卿去後群佞恣意瘠公肥私
生民塗炭不可勝言天道好還邇來貪頑之徒伏辜
殆盡而卿之名節益以著明書之直清易之貞固惟
卿有焉苟不褒異何以勸後肆以卿之二子陞為宰
輔仍遣其官徃祭于墓英靈如在諒予至懷故茲教
示想宜知悉

追封王順妃三代教書

顯親之典實通乎古今疏封之榮何間於存沒粵惟
盧氏代為元臣由種德於家門乃流慶於後裔是生
淑質為我好逖誕育國儲修明內理既正中宮之位

號以奉宗廟之蒸嘗而其祖先尚未褒贈實有虧於
古制寧無歎於吾心爰采僉謀追崇三代其官其云
云尚克膺於異數永垂裕於後昆

親幸告廟教功曹書

王若曰龔惟我 太祖創業垂統列聖相承持盈守
成惟爾群功克正左右厥辟功在社稷配食廟庭乃
者天不祐我國家恭愍王絕嗣而薨賊臣辛旽之子
禍及其孫昌胤姓王氏僭竊位號俾我祖宗之靈不
享我祀者十有六年賴天悔禍聖訓丁寧歲已巳十
有一月越十有五日己卯宗室耆老大小臣僚罔不
會議以予於神王為七代孫請命 王大妃推戴為

主顧惟涼德膺此駿命不克負荷是懼讓之再三然
而祖宗之祀不可絕國人之心不可違乃即王位越
二十日甲申謹齋沐行告廟禮於戲王氏之祀斷而
復續式至今日者惟我 先王暨爾先正陰相之力
也可不感哉惟爾先正歆我菲祀益陰隲我國家無
斲

教門下贊成事鄭夢周書

王若曰撥亂反正誠社稷之忠臣崇德報功實國家
之令典卿天人之學王佐之才射策而聯捷魁科廬
墓而克伸孝志惟根本培植於內者確乎不拔故英
華發越於外者煥乎有文 先王任用而俾掌絲綸

後生景慕而如仰山斗倡明濬落之道排斥佛老之
言講論惟精深得聖賢之奧教誨不倦鬱有人才之
興德望由是而益崇聲名以之而大振聖明勃興之
伊始國家歸附之最先慎簡臣僚舉充書狀航滄海
而乃往因颶風之所飄僅脫萬死以旋歸尤荷九重
之眷顧迨玄陵賓天之後當金義奔胡之初有權臣
執狐疑之心謂庶官憚駿奔之役莫肯遣使於上國
將欲嫁禍於生靈卿與鄭道傳等力言以謂邇來變
故之相仍盍具事情而申達苟獲罪於天子難延柩
於邦家故有使价之行以明臣子之分願東方之寧
謐繇卿輩之謀敵敵後胡使之來書辭不順當時郊

迓之議大小皆然率李詹伯英之徒極陳不可忤仁
任池菴之輩未得見容竄逐嶺南者數年往還日本
者經歲由小邦覲聘之緩致天朝譴責之嚴國步危
疑人心恐懼師跋涉山川之遠親瞻天日之容始通
王覲之途終減歲貢之額惟自昔罔愆事大之禮肆
至今克有保民之休粵自甲寅以至己巳不幸有禍
昌僭竊之禍居常懷狄張興復之忠天寶臨於甬心
事竟成於有志洪武二十二年十月間門下評理尹
承順回自京師欽奉 聖旨高麗君位絕嗣雖假王
氏以異姓為之亦非三韓世守之良謀是年十月十
五日卿等定策宣天子命稟太妃言推戴實躬俾承

正統上以奉祖宗既絕之祀下以延子孫無疆之休
於是整頓紀綱修明禮樂正田法而息爭訟汰冗官
而舉賢良廊廟施為實堯君舜民之志經筵啓沃皆
伊訓說命之言奇材允叶於股肱盛烈難忘於帶礪
苟無褒崇之異數何以勸勸於將來是用立閣畜形
勒碑紀績追贈三代祖考宥及永世子孫錫之士田
副以臧獲仍賜白金五十兩內廐馬一匹於戲予惟
囊艱大之業思免厥愆卿益堅獨亮之心以永終譽
故茲教示想宜知悉

恭讓王三年辛未四月求言教

弭災之道莫如修德為政之要惟在求言昔宋景一

言之善致熒惑三舍之退天人之際感應斯速予以
眇躬荷祖宗之靈托臣民之上憂勤夙夜期底豐平
而智能不逮學問不明其於政教動昧施為若涉大
川罔知攸濟今者日官上言乾文示儆客星孛于紫
微火曜入于輿鬼變異甚鉅兢兢惕益深將涼德未修
而不孚於帝心歟故令有闕而不協於輿望歟刑賞
之道有乖於正歟任用之人或拘於私歟下情未達
而冤抑未伸歟民弊未除而財用妄費歟茂異之才
未舉者誰歟諛佞之徒未斥者誰歟如斯之弊豈予
一人所能偏察肆開儻直之路以瀆壅蔽之風芻蕘
之言亦有可採矧卿大夫百執事之臣共天位食天

祿者哉茲欲共新於治化庶以仰答於天心於戲賞
罰明而禮樂興陰陽和而風雨時吏稱其職民樂其
生其要安在知而不言不可謂之仁言而不盡不可
謂之直惟爾大小臣僚並上實封實躬過誤時政得
失民間利病毋有所諱其言可用予則有賞言而不
中亦不加罪吏曹判書鄭摠上書曰 殿下近以乾
文示警命臣製求言教書臣既製進以謂救災之道
莫若修政夫政者正也孟子曰一正君而國定董子
曰人君正心以正朝廷遠近四方莫不一於正此實
萬世之格言也賞罰國之大柄不可不謹也近來謀
迎幸禍以絕王氏者潛遣彘初將害本國者或誅或

流或公然在於朝列傳曰同罪異罰非刑也臣竊為
殿下不取又官不及私昵惟其賢爵罔及惡德惟其
能為國之要道也近來瑣々如姬之徒替邱舊故之
輩率皆諛佞之人而布列朝班徒費廩祿其忠直之
士一言忤旨則悉皆貶黜故士君子快々皆怨 殿
下用人之不公此不可不慮也又浮圖之教敗倫滅
理非人主之所尚也佛圖澄不能存趙鳩摩羅什不
能存秦齊襄梁武未免禍殃殷鑑昭然可以為戒而
殿下崇信太過營構普濟之塔而又多張梵采殆無
虛月何為此無益之費以取識者之譏乎請 殿下
察皇天譴告之心念天位惟艱之訓小心翼翼改過

否吝以慰國人之望

○侍中李某辭職不允批荅

大臣一身關國家之興衰係生民之休戚職任如此
其重去就未可以輕是以召公有告歸之心周公論
薦桀之義卿山川間氣社稷元臣循公忘私忠誠貫
日仗信安義功業柱天爰自玄陵之時以至宣人之
日勉出乃力輯寧我邦遏戍辰猶夏之師定已已撥
亂之策國祚以之而復續民生由是而再蘇且練養
其戎兵以扞禦于王室事皆合於天理心何恤乎人
言居寵若驚卿之自處則善協謀兵政予所望者為
誰於戲子陵之高光武不任以事留侯之去漢室已

致其安以古視今勢殊事異宜安厥位以副予心

同前

教曰撥亂反正悉為命世之才論道經邦必待代天之相故其身之去就係於國之安危惟卿志勵風霜氣鍾光嶽惟自昔而功在王室式至今而德被生民遂納氏于朔垂殲海寇于四境由恭愍薨逝以後有辛禡假竊其間荒于遊畋沉于酒色恣行殺戮大肆頑兇至興師旅將犯華夏而卿明知順逆倡義回軍謀及宗親與諸臣庶遂乃廢黜偽姓推戴宣躬而使邦基榮光而復安宗祀既絕而復續校功德德耀古光今當永祚於我家傳榮享于後嗣何期群小僭肆

奸謀此實在于非卿之故深有志於責已將欲正其典章而卿遽貢箴章窺免職任卿雖思之審矣予所望則否焉元首股肱既同一體山河帶礪敢忘吾心毋煩固辭速踐乃職

太祖室加上尊謚冊文

先祖配天命用申於保佑後孫嗣服禮當謹於加崇恭惟太祖神聖大王德備聖神資無勇智順彼長道除邪虐而弔民貽厥孫謀增式廓而開國無竟惟烈不顯其光王后皇甫代著行柔嘉宅必淵懿躬儉節用允叶葛覃之風求賢審官實有卷耳之美伏念賴威靈之陰相致奸偽之剷除爰卜剛辰載揚景

鏢謹加上云云伏望降監有赫錫羨無疆

惠宗室加上尊謚冊文

賴祖宗啓迪之靈丕承駿命遵國家加崇之典用獻
鴻名恭惟 惠宗義恭大王溫恭之性自天勇智之
資不世每從 聖考實襄創業之謀不信讒人克薦
因心之友百戰之功大矣萬世之祀宜哉 王后林
氏行冠壺儀道合坤載宣周南之風教丕叙彝倫奉
清廟之蒸嘗幸多內助今當披亂之後益深歸美之
誠爰卜吉辰恭陳顯冊謹加上云云 異垂睿鑑優錫
純禧

忠惠王禧妃竹冊文

繼正統而去兇邪時分再造尊先代而及配匹禮謹
追崇斯豈出於私情實是遵於舊典恭惟 忠惠王
禧妃懿恭純脩慈儉夙成始助龍飛克著坤儀之美
慶符熊夢終觀宗祀之承伏念爰當即政之初宜舉
增名之制詠龜協吉鏤冊揚休謹加上云云 異歆洞
洞之誠申錫穰之之福

有明朝鮮國 桓王之陵碑銘

上即位之二年春正月辛未命臣摠若曰子以不德
荷天休命肇造邦家惟 祖宗積德是賴謹已追謚
四代皆上王爵汝其銘我 先烈考定陵碑昭示永
世臣摠承命祗慄不敢以鄙拙辭嘗觀孟氏之言曰

五百年必有王者興前朝自始祖王氏以來垂五百
年運祚既衰恭愍絕嗣妖僧辛旽子禍冒姓竊位荒
淫戾虐歲戊辰與其相崔瑩謀興師妄動將犯天子
之境生民之禍靡所紀極維時我主上殿下為右
軍都統使仗義還師禍乃知罪遜位子昌越明年天
子責以異姓為王氏後殿下以侍中任國政與諸
將相議立王氏之裔瑤為君初自禍時政在權臣鬻
賣官獄濁亂朝廷攘奪土田籠絡山野紀綱大壞毒
痛日甚民胥怨咨日夕思治及殿下作相革除舊
弊更新治道罷私田以正經界汰冗官以重名器登
崇俊良放胤頑兇奮武威以却邊寇施仁政以厚民

漢學紀傳

業整頓紀度修明禮樂三韓之民父母愛之瑤乃昏
迷闇於大體崇信姦回陟黜忠直聽婦寺而亂國制
之正任私昵而紊名器之公故令無常以壞國法用
度無節以傷民財又信群小浸潤之譖忘殿下匡
復之功迺與其相鄭夢周常謀陷之夢周陰嗾其黨
之在臺諫者欲加功臣及直言者罪羅織上言將及
殿下禍在不測國人莫不憤怨洪武二十五年七月
十六日左侍中臣裴克廉右侍中臣趙俊等五十二
人知天命之所在察人心之所歸倡以大義百官父
老不謀而同合辭勸進殿下讓之再三衆志猶固
勉即寶位帝不易肆兵不血刃會朝清明民乃大悅

即遣知中樞臣趙鼎奏聞帝乃詔曰三韓之民既尊
李氏民無兵禍人各得天之樂乃帝命也未幾中樞
使臣趙琳繼還又勅國更何號星馳來報即人執交
館學士臣韓尚質奏請國名賜以朝鮮之號且曰體
天牧民永昌後嗣其獲天人上下之助如此誠所謂
應五百年而興者也臣謹按 璿源所自金之望族
有司空諱翰仕新羅娶太宗王十世孫軍尹金殿義
之女生侍中自延侍中生僕射天祥僕射生阿千光
禧阿千生司徒立全司徒生兢休生廉順廉順
生承朝承朝生元慶元慶生景英景英生忠敏忠敏
生華華生珍有珍有生宮進宮進生大將軍勇夫大

將軍生內侍執奏璘執奏娶侍中文克謙之女生將
軍陽茂將軍娶上將軍李公諱康濟之女生知宜州
諱安社仕宜州後仕元朝為南京五千所達魯花赤
即我 殿下皇高祖今封穆王陵號曰德配李氏子
牛長史諱公肅之女今封孝妃陵號曰安 皇曾祖
諱行里襲封千戶今封翼王陵號曰智配登州崔氏
今封貞妃陵號曰淑 皇祖追贈贊成事諱椿今封
度王陵號曰義配文州朴氏封敬妃陵號曰純 皇
考贈門下侍中行祭祿大夫判將作監事朔方道萬
戶諱子春屢立邊功以長萬夫至正庚子四月甲戌
病薨于朔方道年四十六其年八月丙申葬于咸州

之東歸州之原今封桓王陵號曰定配崔氏贈判門
下永興伯靖孝公諱閑奇之女今封懿妃陵曰和陵
世積勲德肇基王迹善種慶發源遠流光薦生聖哲
以建大業天之眷佑有德至矣 王凡三娶懿妃又
生一女適三司左使趙仁璧李氏生男曰元桂仕前
朝封完山君卒配金氏定安翁主生男曰和封義安
伯 殿下配韓氏贈領門下府事諱卿之女先薨今
贈節妃陵曰齊生男曰芳兩封鎮安君曰芳果永安
君曰芳毅益安君曰芳幹懷安君曰芳遠靖安君曰
芳衍早歿贈元尹女二皆幼繼室康氏判三司事乳
成之女今封顯妃生男曰芳若撫安君曰芳碩幼女

遼京山李氏濟封興安君鎮安君婦貴成事池翁之
女生男曰福根元尹永安婦贈門下左侍中塗天瑞
之女益安婦贈門下貴成事崔仁斗之女生男曰石
根元尹懷安婦贈門下貴成事閔璿之女生男曰孟
衆元尹靖安婦藝文館大學士閔霽之女撫安婦歸
義君王瑀之女臣竊觀帝王之與其祖宗積累之遠
本支蕃衍之多未有若周家者也爰自后穆歷數十
世以至文武而興王業振麟趾誦螽斯實基八
百年之曆亦由仁厚之德以致之也今我 國家自
司空至于 桓王積善攸久而我 殿下以英明之
資神武之略遠紹遺烈光膺大慶以開億萬世無疆

之休金枝之衍既蕃且茂誠與周家並隆是其積之
者久故莢之者大樹之者固故傳之者遠於戲盛哉
臣摠拜手稽首獻銘

於皇仙李本固根深與自司空世茂德音長藪其
祥至于 桓王誕我 明主奄有東方歷數有歸
不試戎衣與民更始昭布德輝 王曰不穀獲膺
天祿寔繇 祖宗毓慶之力乃稽舊章追謚以王
潛德斯著不顯其光振之公姓即薦其慶維木維
支萬世有永瞻彼歸州有峙其立王氣鬱葱無疆
惟休臣拜稽首我銘不諛刻此貞珉以示後人

賀聖節表

逖居素鄉莫陪群后之朝顛仰楓宸恭祝聖人之壽
叢秋在序有開華清之祥盛德當陽丕衍皇極之慶
乾坤闡懌宗社鎮安欽惟 皇帝陛下學本生知聖
由天縱無為而治垂衣裳於九重不顯其光來玉帛
於萬國茲值誕彌之日茂膺滋至之休伏念臣權守
殺封欣逢盛際庭實旅百班雖阻於趨蹌山呼者三
情益深於頌禱

方物

五雲閭闔爰闢朝儀四海梯航式輸邦賦右件物等
名般甚夥製造非精敢思累於上方維冀昭其中信

賀聖節表

跡滯鯁岑未參稱慶心懸象闕惟功祝釐黃華紀序
有開震夙之祥丹宸居尊光啓升平之運照臨所暨
拚蹈悉均恭惟 皇帝陛下齊聖廣淵剛健中正武
功著宣社稷宗廟之又安文德誕敷華夏蠻貊之率
俾令辰方屆於彌月申命茂膺於自天伏念臣權守
敕封欣逢盛旦漢庭百辟雖阻班聯嵩岳三呼益勤
頌禱

方物

九重端拱式昭德音萬國會同畢獻方物右件物等
品般不腆製造亦踈敢克享上之儀庶察由中之信

東宮節日箋

邈居東海班阻稱觴敬仰前星精深祝筭嚴秋在序
彌月開祥國本增隆輿情胥悅恭惟 皇太子殿下
凝姿歧嶷稟性溫文視膳罔安夙興夜寐尊德樂道
日就月將屬誕節之鼎臨介繁禧之益攤伏念職縻
候度心注儲闈載賡輝潤之歌恭上康寧之祝

賀正旦表

權守箕封班阻陪於奠陞仰瞻漢殿頌頌獻於椒觴
玉律回春三陽肇開於泰象丹墀輯瑞萬國咸仰於
乾龍聲教所加幅負胥悅恭惟 皇帝陛下功參化
育道合緇綸敬授人時釐百工而熙庶績建用皇極
斂五福以錫庶民茲當獻歲之辰幾介履端之慶伏

念臣瀨居荒裔顯想綰儀近天子之光雖遠咫尺祝
聖人之壽倍切尋常

方物

德施普率共惟帝臣禮謹會同敢執壤典右件物等
產從僻地製非良工小助旅庭之儀庶供祈天之命

賀正表

邈居青社欣遇王春顯想丹墀益祈聖壽欽天在衡
誕頒鳳曆禮仁正位式衍鴻裔凡在蓋容孰非闡輝
欽惟聰明時又劄健日新底綏四方丕闡雍熙之治
發育萬物旁施寬大之恩茲當泰亨之辰茂擁鼎新
之正伏念跡縻外服心注中宸雲集蓬萊莫與稱觴

之列星明箕翼惟勤祝壽之誠

方物

一人垂衣儼臨海宇萬方執贄咸造帝庭右件物等
產自敝邦製匪良匠敢充任土之貢聊表獻芹之忱

賀正表

僻守海隅恒被東漸之化遙瞻辰所益馳拱北之誠
璣衡紀序轉一氣之洪鈞黼袞臨朝膺萬年之寶曆
乾坤交泰日月貞明欽惟神武成功至文備德對時
育物飛潛動植之咸寧修己安人華夏蠻夷之率俾
履端伊始長發其祥伏念臣權守敝封欣逢穀旦身
雖在外阻忝玉筍之班信則由中解獻椒花之頌

方物

一人有慶敬授人時四方攸同畢獻方物右件物等
產從僻地成自拙工敢修執壤之儀小助充庭之實
賀平定胡人獲寶甬表

天戈收指聖謀如神寶玉是俘胡種自屈權均萬姓
功冠百王恭惟性稟聰明資兼勇智聲教暨朔南之
被車書臻混一之期曩爾虜酋阻于荒裔方聞師旅
之出討已見部落之來投景命惟新貞符益永使念
生逢熙運權守敕封告厥成功莫訥駁奔之列矣其
文德聊申虎拜之詞

謝藥材表

大德天施生成庶類睿息波及浹洽微軀銘佩實深
粉糜難報伏念素因氣稟之弱劣動有疾病之侵尋
惟良藥不產於小邦致陪臣為求於上國何啻瓊末
獲達高明出醫局之珍藏附賤介以寵錫茲蓋伏遇
法易育物體書好生推惠澤以曲加俾纏綿而有喜
臣謹當益盡心於藩翰恒祝釐於壽康

進高麗國史箋

殿下命判三司事鄭道傳及臣摠等撰高麗國史既
成都承旨臣韓尚敬為臣等具啓奉教投進者
聖人造邦肇啓千齡之運微臣載筆追修四繫之書
今既編摩幸紆鑑照惟高麗國始祖遂有東方子

孫之相傳將五百歲君臣之符（後下）（（上））二條美惡昭然勸戒備矣恭惟 殿下資專神武性稟聰明尊所聞行所知丕式古訓道以德齊以禮永綏丞民乃命臣等之微俾居史氏之任雖無學識敢不對揚微顯闡幽愧未當於褒貶屬辭此事庶有便於覽觀臣等所撰高麗國史謹繕寫隨箋以獻臣等無任悚懼屏營之至

北斗醮祭文

若國安危雖自時君之制理惟天仁愛實祐下民而降祥頤以幼年叨承丕緒未堪多難方水流而不盈沆可小康望天休之滋至然人謀之莫及捨陰陽而

何依爰峙瑤壇仍邀玉馭伏願云云慈闈衍慶鴻禧無虞俾躬處休終有熾昌之慶與民偕樂咸膺仁壽之期

本命星醮祭文

初日周六甲啓元之本之辰時罄一心修苾之芬

獻昊天曰旦潜施亭毒之機明信可差洞酌潢汗之水奠歆卑懇優錫繁禧

獻寶命有貽以自求而致福至誠無體隨所感而應誠苟罄丹悰可資玄授恐德不類蒞事惟煩於出入起居之間無遑曰樂庶齋戒沐浴故事永保于休矧

屬元辰盍張清醮倘茲泠然之馭居歌酌彼之儀俾
壽而臧 天休之川至其寧惟永啓王業於竹苞

祭尹判三司事虎文

嗚呼惟公性資勤儉操履方直早年筮仕備歷華要
出鎮南紀殲獲島夷奉使中朝顯揚國美出將入相
二十餘年公之勲業其在前朝固已多矣前朝之季
紀綱紊亂天用勦絕其命惟我 主上赫然龍飛公
亦灼知天命之去就人心之向背協謀推戴肇造邦
家夙夜惟寅服勤王室將俾斯民永享承平之樂也
嗚呼皇天胡不憇遺公昨入覲輿疾登途吾儕之望
冀公平復利用賓王曾不數日計音是聞何期西

之饑乃是永訣嗚呼尚饗

北斗星醮禮文

無臭無聲迥出名言之域作威作福潛施造化之權
頤以冲質膺茲景命昊天罔極承王母鞠育之恩眉
壽為期禱上帝昇矜之惠翼枉泠然之馭歌茲酌彼
之儀致令 太后殿下受福無疆享年有永四方於
樂咸躋富壽之基二氣恒和庶無愆伏之變

王大妃封崇豐安樂章

思齊大妃倪天之妹君子好逑令聞不已以勛賞人
以定王國壽考且寧綏以多福

國大妃封崇豐安樂章

母氏聖善惟德之行則萬其慶通觀厥成畜我長我
邦國是有福履綏之以介眉壽

乙亥年 親行大廟還駕時教坊歌謠并序

妾等伏覩 主上殿下定都之明年秋寢廟告成
迎以冬十月乙未親修蒸祭妾等不勝慶抃謹成
七言四韻詩一首并短引拜獻駕前伏惟賜覽無
任惶悚之至

聖君建創業之宏規無竟惟烈賤妾逢穉代之令典
不顯其光恭惟成德在躬深仁被世奠厥新邑永貽
燕翼之謀作于闕宮聿衍鴻裔之慶是用孝享綏我
思誠既遵豆之靜嘉而鑼鼓之有數躬執圭幣而

心翼之神嗜飲食而降福穰之載當法駕之迴旋誕
布教條之寬大典章文物之備舉飛潛動植之咸寧
方縟禮之既成致輿情之胥悅伏念妾等遠離蓬島
來屬梨園見威儀之孔時既多受祉實嗟嘆之不足
維以遂歌

天變地恠消災道場疏

惟昊天譴告之心蓋欲知過而必改偉金輪吉祥之
祝即能消患於未然蓋功舉揚以資饒潤猥將眇質
叨寵不啻素無學問之功動生悔吝矧值兵荒之際
實昧施為近者彗星見于東方大陰掩于軫宿嗟彼
熒惑入于太陽之門犯乎大微或侵上將之次時當

仲冬兮震電嘩々節屬小雪兮風雨蕭々山禽飛止
於市衢必有以也野豕來奔於宮巷夫豈徒哉深
戰兢之懷倅舉禴禳之典衆心精進聖智感通云云
日月星辰不差鳥獸魚鱉咸若予一人有秩斯祐俾
壽而康彼萬姓無疆惟休終和且樂

乙亥年王和寺行水陸齋疏

赴感隨緣善逝之慈大矣披苦與樂平等之會至哉
苟罄丹悰必周玄援以寬人之否德代王氏而有邦
勢所難容恭讓未久於人世情實不忍薦道敢稽於
冥途既泥金而寫真又設壇而修勝乘梵音雷吼
法供星羅非徒利及於幽明抑亦澤均於水陸伏願

恭讓王仙駕三業清淨悟罪性之本空萬行圓成獲
法身之無漏

見岩寺行水陸齋疏

了諸緣如夢幻實惟妙法之宗為苦類濟沉淪莫若
無遮之會舉揚苟切饒益奚稽伏念某當高麗之既
終致恭讓之不道因臣民之効力有邦國以為君王
代云亡雖天命之已去我心則恤欲冥禧之是資爰
命工而泥金既為書其具牒倅趨清淨之寶刹特設
平等之熏筵盛饌雲蒸感通悉均於凡聖圓音海布
蒙益咸及於幽明伏願前朝王代等承諸佛之加持
賴多天之攝護三途火宅永離九品蓮臺

皆獲超升之格

土星入軒轅中消災道場疏

天示咎徵莫見乎七政失次佛說秘典無過於一心
真如宜切弘揚用禱歷勝眇予末小子叨慶宗高
兢如臨深淵敢忘戒慎矧有日官之奏譬彼鎮宿
之行乃言乾象之乖入于軒轅之舍謹稽秘籙謂象
屬於后妃深切憂心須禳禳以佛法俾洒清于蓮宇
仍招集其霞衣禮贍調御之辟容演暢貝多之真諦
伏願慈闈受無疆之福俾躬慶休憲人享有永之年
與民偕樂

揚廣道鎮江瀑布寺太一祈禳法華法席疏

太一主時令與兵機禍福無忒妙法變災萌為吉兆
功德難量苟切諷揚必周饒益念將庸質叨襲丕畜
盤于遊畋敢言憂勤乎政事昧於學問動有僭濫于
賞刑恐因涼德之愆召咎徵之應惟陰陽之失序
與金革之不韜實所戰兢預宜禳禳茲掃闢于鴛舍
俾繙閱其貝編伏願二氣調和屢有豐年之慶三垂
帖妥亦無危事之生

復齋集跋

傳曰君子之思必成文觀其復齋集誠君子所蘊
之思所著之文而醴郁咀華閑中肆外可謂儒林
之師範也歲在丙寅春其子上將孝忠欲以是集
刊行于世將送本道監司李公先齊都事鄭浩然
以遂厥志不賴民力鳩材募工俾予監督予以不
才方其農隙勸課鋟手不闕月而告訖嘻孝忠為
親敬暴之志既切而李鄭兩公右文之意亦至垂
萬世而不朽也必矣正統十一年丙寅秋八月日
奉正大夫守襄陽府使兼勸農兵馬團鍊使
皇師良謹跋

春谷先生集

送金摠制廷雋觀察全羅道用騎牛子韵李行
捨子更誰斯忠人共知分符綬海俗杖鉞佐明時
驛路梅千樹離亭酒一卮觀風有餘力詩句慰吾思

次丹陽東軒韵

澄江如練鳥飛迴雪滿峰巒杳障開不是巫山之下

路寄言神女莫裴徊註用雨宿故云

題丹陽二樂樓

樓外長江之上山東風吹柳送春寒欲將詩句題名
姓還愧陽春和更難

天公似欲挽吾行風雨淒淒春水生十載功名書劍

在悠々南北宦遊情

次平昌壁上韻

枕山樓谷有民居古縣蕭條數里餘歲久苔痕封瓦
屋雨晴嵐翠滿庭除此下失書
魚二韻

賀玉川府院君劉敞大拜次獨谷成先生石璘

韻

大冠皆知總角時紛紛徒是世間兒心如霽月敦頤
學律以清風吉甫詩輔導國儲元有德表儀朝著豈
非真請看松柏凌霜採歲晚何曾暫變衰

次臨瀛東軒韻

戀闕懷親日欲年宦情羈思共長天鷲啼老樹疎簾

外人倚高樓細雨邊西嶺雲橫山似畫東郊春草
籠烟明時未就丹砂計愧殺蓬瀛島上仙

送黃判書喜巡問平安道兼尹平壤府

大同江水碧如藍永明寺樓饒風嵐伊昔奉使朝金
陵為憐形勝停飛驂元戎携我恣歡賞登樓縱目臨
江潭珍羞滿前羅百壺竟日留連遺佩簪佳人窈窕
舞迴旋蓮花映日爭紅酣武夫奔馳夾道疾猛席躑
躅何耽々此邦自古稱雄藩今聞非人民難堪 聖
君付子西顧憂暫解帷幄謀敵叅幼學壯行男兒志
宴安一室非所甘方今治具已畢張蒼生無事樂耕
蠶發奸猶伏猶細事安問狐狸空壯談巧期修羽八

條教務公德澤民渾涵挽回三代在此行躬言努力
賡二南

判牧公集

賀李中樞貞幹年七十壽九十慈親得堂字
華頂慈親在北堂稀旬孝子壽稱觴內分天樂春光
暖恩賜仙壺雨露香彩服娛懽同老子銀鈞教勅賚
王祥長安萬戶羨談話青史應多點筆光



寺正公集

和天使金太僕過三河縣韻


平郊如掌綠迢迢，有客閑乘使者輶。
四月江城梅已子，幾家籬落豆初苗。
征衫半摺翻，起別酒微醺旋旋消。
漸入遼陽風景好，作詩端為採民謠。

寄金佔畢宗直

逐日每尋阿刺吉，前身却訝是猩猩。

按佔畢三集此句上有聲啓二

商今不
可考



天保壬辰



